

Programa de bolsas Prácticas Fundación ONCE-CRUE para estudiantes universitarios con discapacidad

Convocatoria 2019-20

Convocatoria da Universidade da Coruña

I. OBXECTO

A Universidade da Coruña (UDC) convoca 5 bolsas-prácticas FUNDACIÓN ONCE-CRUE dirixidas ao alumnado universitario con discapacidade igual ou superior ao 33 %, co obxectivo de facilitar o desenvolvemento de prácticas académicas externas e promover así a mellora da súa empregabilidade e o seu futuro profesional.

As ditas prácticas poderán ser desenvolvidas en grandes empresas, PEMES, microempresas, empresas de economía social, entidades do terceiro sector e outras institucións públicas e privadas

O réxime desta convocatoria axústase ao previsto no Convenio marco do 22/06/2016 que asinaron a Fundación ONCE e a Conferencia de Reitores das Universidades Españolas (CRUE), cofinanciado polo Fondo Social Europeo (FSE) a través do Programa operativo de inclusión social e economía social 2014-2020; á addenda primeira da Prórroga do convenio de bolsas de prácticas Fundación ONCE-CRUE para o curso académico 2019-20; ao Real decreto 1393/2007, do 29 de outubro, polo que se establece o ordenamento das ensinanzas universitarias oficiais; ao Real decreto 592/2014, do 11 de xullo, polo que se regulan as prácticas académicas externas dos estudantes universitarios e ao vixente Regulamento de prácticas externas do estudantado da UDC (aprobado no Consello de Goberno o 23/04/2013 e modificado polos acordos do Consello de Goberno do 27/02/2015, 29/09/2015, 29/05/2018 e 04/06/2019).

II. PERÍODO DE REALIZACIÓN E DURACIÓN DAS PRÁCTICAS

As prácticas académicas externas a que se refire esta convocatoria poderanse desenvolver entre o 1 de febreiro e o 31 de outubro de 2020. Este prazo poderase ampliar, de forma excepcional até o 31 de decembro de 2020, logo da solicitude da UDC á Fundación ONCE-CRUE.

Cada bolsa terá unha duración mínima de tres meses. A duración das prácticas pódese ampliar a seis meses por pedimento da empresa de acollida, coa conformidade da persoa bolseira, e será a dita empresa a que corra coa totalidade dos cursos inherentes á

ampliación. A xornada semanal será de 25 horas, cuxa distribución diaria se establecerá de acordo coas características da práctica e a dispoñibilidade da entidade colaboradora. En calquera caso, os horarios serán compatibles coa actividade académica formativa, de representación e participación que desenvolva o alumnado, polo que cómpre un acordo previo entre a empresa e a persoa bolseira.

A realización das prácticas académicas externas non se poderá levar a cabo de maneira fraccionada. No caso de que como consecuencia dunha enfermidade, agravamento da discapacidade, período vacacional da empresa, mutuo acordo ou outra causa de forza maior debidamente xustificada, a persoa bolseira non puidese continuar o desenvolvemento das prácticas, estas interromperanse, tras o cal poderán ser retomadas até completar o período de tres meses con data límite do 31 de decembro de 2020. O período de suspensión da bolsa debido ás causas nomeadas leva consigo a interrupción automática do pagamento da bolsa que se podería retomar unha vez que conclúsen as causas da suspensión. Se o período de suspensión se prorroga máis aló do 31/12/2020, a persoa bolseira deberá presentar a súa renuncia.

III. REQUISITOS DA PARTICIPACIÓN

1. Ter unha discapacidade recoñecida igual ou superior ao 33 %.
2. Estar oficialmente matriculado/a, no momento da solicitude e do comezo das prácticas, en calquera titulación oficial ou programa formativo de posgrao oficial e propio que imparta a UDC.

Isto será aplicable ao estudantado doutras universidades españolas ou estranxeiras de acordo con programas de mobilidade e intercambio ou de convenios bilaterais subscritos pola UDC con outras universidades e institucións, sempre que as normas que regulan os programas e convenios non dispoñan outra cousa.

3. Ter superado o 50 % dos créditos necesarios para obter o título de grao, incluídos, como mínimo, todos os créditos correspondentes á formación básica. No caso do estudantado de mestrado, a porcentaxe anterior será do 25 % no momento de finalizar o prazo de inscrición. No caso doutros programas formativos, cómpre estar matriculado/a no programa de que se trate.
4. Non manter relación contractual de tipo laboral, de prestación de servizos ou asimilable con ningunha empresa, institución ou entidade no momento do inicio das prácticas.

5. Se na convocatoria 2018/19 quedaron prazas sen cubrir poderanse acumular á convocatoria actual.
6. A bolsa é compatible con calquera outra axuda de carácter asistencial de natureza distinta ás axudas que son obxecto deste programa, calquera que sexa a súa orixe pública e privada a que poida acceder o estudantado, así como cunha posible pensión contributiva ou non contributiva por discapacidade, sempre dentro dos límites establecidos legalmente, así como coas axudas que o/a estudante poida obter da empresa ou entidade de destino.
7. Para as prácticas curriculares estarase ao disposto no plan de estudos de cada titulación.

IV. DOTACIÓN DAS BOLSAS DA FUNDACIÓN ONCE

A Fundación ONCE efectuará o pagamento dunha cantidade de 1800 € por bolsa outorgada a cada estudante, que resulta de realizar tres meses de prácticas académicas externas remuneradas a 600 € cada mes.

A achega da Fundación ONCE está cofinanciada polo Fondo Social Europeo no marco do Programa operativo de inclusión social e economía social 2014-2020.

Esta convocatoria está financiada con cargo á partida: 0300490058.422D.48000, do orzamento da UDC para o ano 2020.

As cotizacións á Seguridade Social suxeitaranse ao que dispón o Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia, así como ás posibles bonificacións ou exencións da Seguridade Social que puidesen existir en relación coa contratación de persoas con discapacidade.

Estas prácticas académicas externas poderanse prorrogar até un máximo de seis meses, se así o acordan as partes. Neste caso, os custos asociados correrán a cargo da entidade colaboradora.

Esta convocatoria tramítase como expediente anticipado de gasto. Conforme co establecido no artigo 25 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a concesión da axuda queda condicionada á existencia de crédito axeitado e suficiente nos Orzamentos da UDC para o ano 2020.

V. PRAZO DE INSCRICIÓN

Desde a súa publicación na Sede Electrónica da Universidade da Coruña até o 31 de outubro de 2019.

VI. PROCEDEMENTO DE INSCRICIÓN PARA O ESTUDANTADO

1. O alumnado que desexe solicitar unha das bolsas a que se refire esta convocatoria deberase inscribir no portal web do programa de bolsas Prácticas Fundación ONCE-CRUE, co enderezo <<http://becas.fundaciononce.es/>>, e achegar á nomeada plataforma informática o seu certificado de discapacidade, o seu currículo e calquera outro documento que se lle requira a través dese ou doutro medio.
2. O alumnado matriculado nun mestrado cuxa titulación habilitante fose cursada noutra universidade deberá subir ademais á plataforma o expediente académico da titulación habilitante (grao ou titulación equivalente) coa nota media calculada sobre dez.

Aquelas solicitudes que non cumpran o procedemento anterior serán automaticamente anuladas.

VII. ASIGNACIÓN DAS PRÁCTICAS ACADÉMICAS EXTERNAS

A UDC asignará as bolsas entre as persoas candidatas de acordo cos principios de transparencia, capacidade e mérito. Conforme a estes principios determinaranse, con carácter previo, os criterios cuantitativos que permitirán establecer o baremo das solicitudes tendo en conta estes elementos:

1. Expediente académico
2. Grao de discapacidade oficialmente recoñecido.
3. Adecuación ao perfil solicitado na oferta por parte da entidade colaboradora e méritos expostos no currículo.
4. En caso de igualdade de méritos, daráselle prioridade ao alumnado de último curso, a aquel que non efectuase prácticas académicas ou a aquel que conte con outras circunstancias persoais e sociais que deban ser consideradas, segundo se reflicte na Convocatoria de bolsas Prácticas Fundación ONCE-CRUE 2019-20.
5. No caso de se dar ofertas de prácticas co duplo carácter curricular e extracurricular, terán preferencia as prácticas de carácter curricular.
6. Tras a asignación das prácticas, elaborárase unha listaxe de agarda e, no caso de que existan renuncias, a UDC acudirá á listaxe do estudantado solicitante admitido non bolseiro por orde de puntuación.

VIII. XESTIÓN DAS BOLSAS

A xestión destas bolsas levarase a cabo de modo coordinado entre a Unidade de Emprego da Vicerreitoría de Estudantes, Participación e Extensión Universitaria e a Oficina de Atención á Diversidade da UDC.

Finalizado o prazo de inscrición, a UDC publicará unha listaxe provisoria do estudantado admitido na sede electrónica da UDC, co enderezo <sede.udc.gal>. O estudantado solicitante disporá de cinco días hábiles para emendar os erros que puidese presentar a súa solicitude. Transcorrido este período, publicarase na sede electrónica da UDC a listaxe definitiva do estudantado admitido.

A Unidade de Emprego da Vicerreitoría de Estudantes, Participación e Extensión Universitaria elaborará unha listaxe de persoas candidatas, ordenadas segundo a súa prioridade e idoneidade, para lle remitir a cada entidade colaboradora. Estas persoas serán sometidas á valoración da entidade correspondente nunha entrevista persoal e de acordo con aqueles outros criterios que considere de aplicación no marco das súas políticas de realización de prácticas formativas. A adxudicación da bolsa estará sometida á aceptación da candidatura por parte da entidade colaboradora e unha vez seleccionada a persoa bolseira, a entidade colaboradora deberá enviar un correo electrónico ao enderezo <emprego.vepeu@udc.gal> cos datos desta persoa. As prazas adxudicaranse por rigorosa orde de chegada dos correos electrónicos. Posteriormente, a Unidade de Emprego notificaralle á persoa seleccionada que foi aceptada pola empresa.

A adxudicación da praza producirá os seus efectos desde o día da publicación da resolución reitoral pertinente que deberá ser antes do 30/11/2019. Contra esta resolución, que esgota a vía administrativa, poderá interporse potestativamente un recurso de reposición ante o reitor no prazo dun mes, segundo dispón a Lei 39/2015, do 1 de outubro, do procedemento administrativo común das administracións públicas; ou ben un recurso contencioso-administrativo ante o Xulgado do Contencioso-Administrativo da Coruña, no prazo de dous meses, que contará desde o día seguinte á notificación da resolución, ou calquera recurso que se estime procedente.

IX. FINANCIAMENTO DAS BOLSAS

A UDC recibirá a dotación das bolsas-prácticas da Fundación ONCE-CRUE cofinanciadas polo FSE en concepto de mecenado, ao abeiro do previsto na Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado. Deberá destinar a dita dotación aos seguintes conceptos:

- a) Pagamento dunha bolsa ao alumnado participante.
- b) Cumprimento das obrigas que, en materia de Seguridade Social, fiscal ou de calquera outro tipo, con carácter xeral, lle correspondan ou lle poidan chegar a corresponder por imperativo legal ou regulamentario á propia UDC en canto financiadora directa das bolsas.

Cómpre ter en conta a posibilidade de que estes importes poidan variar en función de se as prácticas teñen a consideración de curriculares ou non, posto que, no primeiro caso, ao abeiro do disposto na disposición adicional vixésimo quinta do Real decreto lei 8/2014, do 4 de xullo, ou calquera outra norma que o substitúa, modifique ou complemente no futuro, poderían estar bonificadas na cotización da Seguridade Social.

En calquera caso, será a UDC a que lle aboe ao/á estudante o importe correspondente á bolsa. Farao na conta corrente da entidade bancaria indicada pola persoa beneficiaria, da cal esta deberá ser titular ou cotitular. O pagamento efectuarase por mensualidades, de acordo coa normativa interna de xestión das prácticas académicas externas formativas.

No caso de que non se chegase a completar o período da bolsa, o alumnado bolseiro deberálle comunicar ao/á coordinador/a de prácticas do seu centro e ao equipo xestor deste programa a través do enderezo de correo <emprego.vepeu@udc.gal>. Se a finalización prematura é decidida polo/a estudante, e non resulta debidamente xustificada e/ou comunicada con antelación suficiente, a UDC poderalle reclamar os custos ocasionados. No caso de que a persoa bolseira abandone as prácticas ou renuncie a elas nun período de tempo inferior a oito días, non percibirá ningunha contía. Se por pedimento da persoa bolseira, o período de prácticas rematase antes dos tres meses de duración mínima, recibirá o importe da bolsa correspondente ao período realizado de maneira proporcional.

X. INTERPRETACIÓN

Estas bases foron formuladas a modo de extracto dos termos e condicións xerais do programa a que se adhire para a súa participación a UDC, os cales prevalecerán en caso de litixio, discrepancia, cuestión ou reclamación resultantes da súa execución ou interpretación, sen prexuízo do previsto no parágrafo seguinte.

As actuacións administrativas dos diferentes órganos da UDC participantes neste procedemento serán recorribles, en canto se desenvolven no exercicio das súas competencias de dereito público, na forma prevista no artigo 112 e seguintes da Lei 39/2015, do 1 de outubro, o que se indicará nos acordos ou resolucións correspondentes;

e, de ser o caso, de acordo coa Lei 29/1998, do 13 de xullo, reguladora da xurisdición contencioso-administrativa.

XI. INFORMACIÓN

Emprego UDC Campus de Ferrol
Edificio de Apoio ao Estudo, baixo
15403, Campus de Esteiro
Extensións: 3618, 3617, 3616
Correo electrónico:
<emprego.vepeu@udc.gal>

Emprego UDC A Coruña
Pavillón de Estudantes, 1º andar
Campus de Elviña
Extensións: 2916, 2901
Correo electrónico:
<emprego.vepeu@udc.gal>

A Coruña, 8 de outubro de 2019

O reitor

Julio E. Abalde Alonso